

**Kolowaran 35:31 Bezale'el jareya bi' Jehovah eparenge kobasana, ban eparenge pangarteyan, kaahliyan ban kacakebban e dhalem samacemma karya seni,**

**Angkana - Etongan 11:25 PANGERAN pas toron e dhalem ondhem, laju abudhabu ka Mosa. PANGERAN mond hut sabagian dhari kakobasa'an se la eparenengngagi ka Mosa, laju eparenengngagi ka pamimpin laenna se banya'na pettong polo oreng rowa. E bakto kamaso'an kakobasa'an jareya, reng-oreng buru laju ra'-era'an akantha para nabbi, tape ta' sampe' abit.**

**1 Samuwel 10:6 E bakto jareya ba'na bakal ekobasa'ana Errohna Jehovah ban ba'na bakal noro'a dang-tangdangan sarta ra'-era'an keya; ba'na pas andhi'a tabi'at se anyar, aoba ta' akantha ba'-lamba'na.**

**2 Samuwel 23:2 Errohna PANGERAN la manapa' dhabuna kalaban parantara'anna sengko' reya; dhabu ban pessenna kabbi badha e tang bibir.**

**Ayyub 33:4 Erroh Jehovah nyepta'agi sengko' reya ban apareng odhi' ka sengko' e dunnya.**

**Yesaya 11:2 Kobasana PANGERAN bakal nontona rato jareya, andaddiyagi rato jareya alos buddina ban bicaksana, penter nantowagi kapotosan ban ajalannagi kapotosan jareya, ngagali ka kasokanna Jehovah ban ta'at ka Salerana.**

**Mikha 3:8 Tape parkara sengko' dibi' reya, bi' PANGERAN sengko' la eesse' bi' Errohna sarta kobasana. Sengko' eparenge pangarteyan parkara kaadilan, bariya keya kabangalan kaangguy anyata'agi ka reng-oreng Isra'il parkara sa-dusana aba'na.**

**Zakharia 4:6 Malaekat jareya makon sengko' manapa' pessenna PANGERAN ka Zerubabil kantha reya, "Ba'na bakal ahasela banne kalaban kakowadanna militer ban banne kalaban kakowadanna ba'na dibi', tape kalaban Tang Erroh.**

**Matiyus 12:28 Tape Sengko' ngojuk erroh jahat ngangguy kobasana Errohna Jehovah. Ban jareya andhi' arte ja' Jehovah la molae marenta e nga'- tengnga'anna ba'na kabbi.**

**Matiyus 28:19 Daddi mara entar ka sakabbiyanna bangsa e sabingkerra dunnya, padaddi Tang mored kabbi. Baptis sakabbiyanna bangsa jareya kalaban nyebbut asmana Rama ban Pottra ban Errohna Jehovah.**

**Markus 1:10 E bakto gi' buru kalowar dhari songay jareya, Isa laju ngoladi langnge' abukka' ban Errohna Jehovah toron ka attassa Salerana aropa mano' dara.**

**Markus 13:11 Ban mon ba'na la etangkep tor egiba ka pangadilan, ba'na ta' osa tako' parkara apa se ekoca'agiya ba'na; mon la napa' baktona ba'na kodu acaca, koca'agi apa se ebala'agi ka ba'na e bakto jareya. Sabab pa-**

**apa se ekoca'agi ba'na jareya banne oca'na ba'na dibi', tape dhari Erroh Jehovah dhatengnga.**

**Lukas 2:26 ban Errohna Jehovah la apareng oneng ka oreng jareya ja' aba'na ta' kera mate sabellunna nangale'e Rato Panyalamet se ejanjiyagi Pangeran.**

**Lukas 4:1 E bakto abali dhari Songay Yordan Isa ekobasae bi' Errohna Jehovah. Bi' Errohna Jehovah jareya Isa ebakta ka sagara beddhi.**

**Lukas 4:18-21 "Errohna Pangeran badha e Sengko', sabab Errohna jareya la mele Sengko' kaangguy manapa' Kabar Bagus ka oreng mesken. Sengko' eotos kaangguy abala ja' reng-oreng tahanan epabebasa ban reng-oreng buta epabarasa; kaangguy nolonga reng-oreng se eseksa 19 ban aberta'agi ja' la napa' baktona Pangeran masalamedda ommadda." 20 Bi' Isa ketab jareya laju egulung pole, sarta pas epabali ka oreng se bagiyan ngoros, laju alenggi. Reng-oreng e jadhiya padha ngabas ka Salerana kabbi. 21 Isa laju molae adhabu ka reng-oreng jareya, "Yat-ayadda Alketab reya e are teya la kalakon e bakto ba'na padha ngedhing dhari se ebaca Sengko' gella'."**

**Lukas 12:11,12 Mon ba'na egiba ka kennengngan-kennengnganna kabakteyan kaangguy eadili e adha'na pamarenta otabana oreng se neggu' kakobasa'an, ba'na ja' kobater parkara baramma carana ba'na abilla'a aba'na dibi' otabana parkara apa se ekoca'agiya ba'na. 12 Sabab apa se kodu ekoca'agi ba'na jareya bakal eajarragiya ka ba'na bi' Errohna Jehovah mon la napa' ka baktona."**

**Yahya 7:38,39 Monggu ka oreng se parcaja ka Sengko', e dhalem Alketab esebugtagi, 'Dhari atena agili aeng se aberri' kasalameddan.' " ( 39 Se edhabuwagi Isa jareya parkara Errohna Jehovah, se etarema'a reng-oreng se parcaja ka Salerana. E bakto jareya oreng gi' ta' narema Errohna Jehovah, sabab Isa gi' ta' emolja'agi kalaban sedana.)**

**Yahya 14:16,17 Sengko' nyo'ona ka Rama, ban Rama bakal marengana laenna ka ba'na, iya areya Se Nolong, se asarengngana ba'na salanjangnga. 17 Jareya Errohna Jehovah se anyata'agiya pa-apa se bendher parkara Jehovah. Dunnya ta' bisa narema Errohna Jehovah jareya polana ta' nangale'e ban ta' kennal. Tape ba'na la kennal ka Salerana, sabab Errohna Jehovah jareya apolong ban ba'na ban bakal daddiya settong ban ba'na.**

**Yahya 14:26 Tape Errohna Jehovah, Se Panolong se bakal eotosa Rama kalaban Tang nyama, jareya se ngajarana ba'na parkara apa'a bai ban maenga' ka ba'na pa-apa se la ekabala bi' Sengko' ka ba'na.**

**Yahya 16:7,8 Tape Sengko' ngoca'a sabendherra ka ba'na: Ka ba'na lebbi bagus mon Sengko' mangkat; sabab mon Sengko' ta' mangkat, Panolong rowa ta' kera rabu ka ba'na. Tape mon Sengko' mangkat, Sengko' ngotosa Erroh jareya ka ba'na. 8 Erroh jareya mon la rabu bakal anyata'agiya ka dunnya reya se sabendherra artena dusa, pa-apa se bendher, ban parkara okomanna Jehovah.**

**Yahya 16:13-15 Tape mon Erroh jareya la rabu, iya areya Erroh se anyata'agi barang se bendher parkara Jehovah, ba'na bakal etontona sopaja ba'na tao ka sakabbiyanna barang se bendher. Erroh jareya ta' adhabuwa dhari Salerana dibi' tape adhabuwagiya pa-apa se la epeyarsa Salerana, sarta bakal aparenga oneng ka ba'na apa se kadaddiyana e budhi are. 14 Erroh jareya bakal ngagungngagiya Sengko', sabab apa se epanapa'a ka ba'na etarema Erroh jareya dhari Sengko'. 15 Pa-apa se badha e Rama Tang andhi'. Jareya sababba arapa Sengko' me' ngoca' ja' se epanapa' Erroh jareya ka ba'na etarema Salerana dhari Sengko'."**

**Yahya 20:21,22 Isa laju adhabu sakaleyean aggi', "Salam ka ba'na kabbi. Akantha Tang Rama se ngotos Sengko', bariya keya Sengko' ngotosa ba'na." 22 Saellana jareya Isa laju nyerroppagi nyabana ka red-moredda jareya sarta adhabu, "Tarema Errohna Jehovah.**

**Caretana Para Rasul 1:2,5 kantos e are bakto Salerana epaongga ka sowarga. Sabellunnepon ongga ka sowarga, kalaban kobasaepon Errohna Jehovah Salerana apareng du-petodu ka sul-rasul peleyannepon. 5 Sabab Yahya abaptis ngangguy aeng, tape pan-barampan are aggi' ba'na bakal ebaptisa kalaban Errohna Jehovah."**

**Caretana Para Rasul 1:8 Tape ba'na bakal narema'a kobasa mon Errohna Jehovah la toron ka ba'na. Ban ba'na bakal daddiya Tang sakse kabbi e Yerusalim, e saantero Yudea e Samaria ban sampe' ka konco'na bume."**

**Caretana Para Rasul 2:1-4 Saellana napa' ka are Pentakosta, reng-oreng se parcaja padha akompol e settong kennengngan. 2 O-tao laju badha monye dhari langnge', akantha monyena kaleng busbus. Bengko e kennengnganna reng-oreng se parcaja gella' akompol possa' ban monye jareya. 3 Saellana jareya reng-oreng buru nangale'e la-jila se katon akantha apoy, lap-ngolap san-kassannagi ban nengga' ka reng-oreng se badha e jadhiya kabbi. 4 Reng-oreng jareya kabbi ekobasae Errohna Jehovah, sarta molae abu-dhabu ngangguy basa laen se acem-macem. Reng-oreng jareya abu-dhabu menorot se edhabuwagi Erroh jareya ka reng-oreng jareya.**

**Caretana Para Rasul 2:17-19 Jehovah adhabu, 'E aher jaman Sengko' matorona Tang Erroh ka sakabbiyanna oreng. Na'-ana'na ba'na se lalake' ban se babine' bakal notorragiya ka ba'na pa-apa se epessennagi Sengko' ka na'-ana'na ba'na jareya. Ngangodhadanna ba'na bakal nangaleyana pa-apa se bi' Sengko' eduduwagi ka aba'na. Reng-orengnya ba'na se wa-towa bakal amempeya. 18 La'-mala' ka sakabbiyanna Tang abdi -- se lalake' otabana babine' --, Sengko' matorona Tang Erroh e re-are jareya, ban reng-oreng jareya bakal notorragiya pa-apa se epessennagi Sengko' ka aba'na. 19 Sengko' mabadha'a kaajiban-kaajiban e langnge' neng e attas dhissa', ban kaaneyan-kaaneyan e bume e baba rowa; bakal badha'a dhara ban apoy, okos se tebbel. (Yow"el 2:28,29)**

**Caretana Para Rasul 2:33,38 Salerana epaongga ka kalenggiyan se tenggi tor**

**eparenge kakobasa'an sareng Jehovah, laju narema Errohna Jehovah se ampon ejanjiyagi sareng Rama. Se eoladi sareng epeyarsa sampeyan samangken paneka enggi Erroh ganeka, se epatoron sareng Jehovah ka kaula sadaja.** 38 Dhabuna Petrus, "Ngereng padha atobat dhari sa-dusana. Sarengngan pole sampeyan kodu padha ebaptis kalaban asmana Isa Almasih, sopaja sa-dusana sampeyan esapora. Daddi sampeyan badhi padha narema'a papareng Errohna Jehovah dhari Jehovah.

**Caretana Para Rasul 4:31 Samarena reng-oreng jareya adu'a, kennengnganna reng-oreng jareya akompol laju agundhek. Reng-oreng jareya padha ekobasae Errohna Jehovah, sarta molae acaca ce' bangalla parkara berta dhari Jehovah.**

**Caretana Para Rasul 8:15-17 E bakto Petrus ban Yahya napa' ka jadhiya, laju adu'a nyo'onnagi reng-oreng Samaria jareya sopaja narema Errohna Jehovah, 16 sabab gi' tadha' settonga dhari reng-oreng jareya se ekobasae Errohna Jehovah; reng-oreng jareya gi' buru ebaptis kalaban asmana Guste Isa malolo. 17 Petrus ban Yahya laju nom pangngagi astana ka cethagga reng-oreng Samaria jareya; daddi reng-oreng jareya narema Errohna Jehovah.**

**Caretana Para Rasul 8:39 E bakto se kadhuwa jareya kalowar dhari aeng, Errohna Jehovah abakta Filipus dhari jadhiya. Ponggaba tenggi dhari Etiopia jareya ta' nangale'e Filipus pole. Atena perak, laju nerrossagi parjalananna. (1 Ratona - 1 To-Rato 18:12)**

**Caretana Para Rasul 9:31 Daddi jema'at e saantero Yudea, Galilea ban Samaria pas taremtem. Kalaban bantowanna Errohna Jehovah, ban odhi'na se tako' ka Pangeran, jema'at-jema'at jareya atamba kowat ban atamba bannya'.**

**Caretana Para Rasul 10:44,45 Sabatara Petrus gi' abu-dhabu, Errohna Jehovah toron ngobasae sakabbiyanna oreng se ngedhingngagi berta jareya. 45 Reng-oreng Yahudi se parcaja ka Isa ban noro' Petrus dhari Yope padha heran nangale'e reng-oreng bangsa laen se banne Yahudi bi' Jehovah eparenge Errohna keya.**

**Caretana Para Rasul 11:15 Ban e bakto kaula molae acaca," Petrus nerrossagi dhabuna, "Errohna Jehovah toron ka reng-oreng ganeka, akantha se kadaddiyan ka kaula ban sampeyan sabbanna gi' dha'-adha'na ka'issa'.**

**Caretana Para Rasul 13:52 Reng-oreng se parcaja e Antiyokhiya ce' peragga, ban ekobasae Errohna Jehovah.**

**Caretana Para Rasul 19:6 Paulus nom pangngagi astana e attassa reng-oreng jareya, ban e bakto jareya Errohna Jehovah toron ka reng-oreng jareya, ban reng-oreng jareya laju acaca ngangguy ca'-oca' se ane sarta notorragi berta dhari Jehovah.**

**Caretana Para Rasul 20:23 Kaula namong oneng ja' e saneyap kottha Errohna Jehovah ampon maemot ka kaula ja' kaula bakal maso'a ka penjara sareng**

**bakal nanggunga sangsara.**

**Roma 5:5 Pangarebban se kadi ganeka ta' kera makoceba sampeyan sareng kaula sadaja sabab atena sampeyan sareng kaula sadaja ampon esse'e kataresna'an sareng Jehovah. Jehovah alampa'agi gapaneka kalaban parantara'anna Errohna se eparengngagi ka sampeyan sareng kaula sadaja.**

**Roma 8:9 Nangeng sampeyan ta' odhi' menorot tabi'adda manossa. Sampeyan odhi' menorot Errohna Jehovah -- tantona manabi Errohna Jehovah gapaneka se ngator onguwan e dhalem aba'na sampeyan. Oreng se ta' gadhuwan Errohna Almasih, oreng ganeka banne kaagunganna Almasih.**

**Roma 8:13-16 Sabab manabi sampeyan odhi' menorot tabi'adda manossa, sampeyan bakal seda'a; nangeng manabi kalaban kobasana Errohna Jehovah, sampeyan terros saos mate'e kon-lalakonna sampeyan se dusa, ban sampeyan bakal odhi'a. 14 Reng-oreng se etonton Errohna Jehovah, tra-pottrana Jehovah. 15 Sabab Erroh, se eparengngagi Jehovah ka sampeyan, ta' madaddi sampeyan dunor se andaddiyagi sampeyan odhi' e dhalem katako'en. Sabalingga, sareng Errohna Jehovah ganeka sampeyan epadaddi tra-pottrana Jehovah. Ban kalaban kobasana Errohna Jehovah ganeka sampeyan sareng kaula sadaja ngolok Jehovah gapaneka, "Rama, Rama kaula!" 16 Errohna Jehovah se asareng errohna sampeyan sareng kaula sadaja anyata'agi ja' sampeyan sareng kaula sadaja tra-pottrana Jehovah.**

**Roma 8:26 Sapaneka jugan Errohna Jehovah rabu nolong sampeyan sareng kaula sadaja se ta' gadhuwan kakowadan. Sabab sampeyan sareng kaula sadaja ta' oneng kadi ponapa koduna adu'a; Errohna Jehovah ganeka dibi' ngadhep ka Jehovah nyono'nnagi sampeyan sareng kaula sadaja kalaban pangarep se ce' dhalemma kantos ta' kaocap.**

**Roma 15:13 Jehovah paneka pangarebbanna sampeyan sadaja. Moga-moga Salerana mossaa'ana atena sampeyan sareng kagumbira'an ban kataremtemman lantaran sampeyan parcaja ka Salerana, sopaja kalaban kobasana Errohna Jehovah sampeyan sajan ngarep ka Jehovah.**

**Roma 15:19 se etoro'e kaajiban-kaajiban; sadajana gapaneka kalaban kobasana Errohna Jehovah. Kabar Bagus parkara Almasih bi' kaula ampon epanapa' sadaja ka reng-oreng molae dhari Yerusalim kantos ka Ilirikum.**

**1 Korintus 2:10-13 Nangeng Jehovah ampon anyata'agi parkara ganeka ka sampeyan sareng kaula sadaja kalaban parantara'anna Errohepon. Errohna Jehovah ganeka nalektegi ponapa'a saos, kantos ka ke'-lekke'na narancanana Jehovah. 11 Sabab se oneng ka essena atena oreng enggi paneka errohna oreng ganeka dibi', ta' enggi? Sapaneka jugan parkara Jehovah. Se ngagali ka panggaliyanna Jehovah namong Errohna Jehovah gapaneka dibi'! 12 Ban sampeyan sareng kaula sadaja ta' narema errohna dunnya paneka, nangeng Erroh se dhari Jehovah, sopaja sampeyan sareng kaula sadaja padha oneng ka sadajana se eparengngagi Jehovah ka**

**sampeyan sareng kaula sadaja. 13 Daddi, mon kaula sakanca nerrangngagi pa-ponapa parkara Jehovah ka reng-oreng se gadhuwan Errohna Jehovah, kaula sakanca ta' notorragi menorot kabicaksana'anna manossa, namong menorot pangajaranna Errohna Jehovah.**

**1 Korintus 3:16 Sampeyan ba' onenga ja' sampeyan paneka Padalemmanna Jehovah? Ban ja' Errohna Jehovah alenggi e dhalem sampeyan sadaja?**

**1 Korintus 6:11 E antarana sampeyan gi' dhimen badha se atengka kadi gane-ka. Nangeng samangken sampeyan enyata'agi berse dhari dusa. Sampeyan ampon daddi kaagunganna Jehovah malolo. Sampeyan ampon sae pole hubunganna sareng Jehovah, sabab sampeyan parcaja ka Guste Isa Almasih sareng polana kobasana Errohna Jehovahna sampeyan sareng kaula sadaja.**

**1 Korintus 12:3 Sampeyan kodu oneng ja' oreng se epimpin Errohna Jehovah ta' bisa ngoca', "Mandar ta' salamedda Isa!" Sapaneka jugan tadha' oreng se bisa ngoca', "Isa reya Pangeran," mon oreng ganeka ta' epimpin Errohna Jehovah.**

**2 Korintus 3:17 Pangeran se emaksod e ka'iya paneka Erroh. Ban e ka'imma badha Errohna Pangeran, e gadhiya jugan badha kamardika'an.**

**2 Korintus 13:14(13) Guste Isa aberkadi sampeyan, Jehovah neser ka sampeyan, ban Errohna Jehovah asarengnge sampeyan sadajana! Hormat kaula, Paulus**

**Galatia 4:6 Sarrena sampeyan tra-pottrana Jehovah, Jehovah ngotos Errohna Pottrana maso' ka dhalem atena sampeyan sareng ate kaula, enggi paneka Erroh se aera', "Rama, Rama kaula."**

**Efesus 1:13,14 Sampeyan jugan daddi ommadda Jehovah e bakto meyarsa sen-pessenna Jehovah se lerres, enggi paneka Kabar Bagus se madhateng kasalameddan ka sampeyan. Sampeyan parcaja ka Almasih, daddi sareng Jehovah sampeyan eparenge tandha se noduwagi ja' sampeyan paneka kaagunganna Jehovah, enggi paneka Errohepon se ampon ejanjiyagi. 14 Erroh ganeka menangka tanggungan ja' sampeyan sareng kaula sadaja badhi narema'a ponapa se ampon ejanjiyagi Jehovah ka ommadda. Paneka madhateng kayakinan ka sampeyan sareng kaula sadaja ja' Jehovah badhi mabebasa ommadda. Ngereng amolja'agi Jehovah polana kaagunganna.**

**Efesus 2:18 Kalaban parantara'anna Almasih sampeyan sareng kaula sadaja -- sae se Yahudi jugan se banne Yahudi -- bisa nyemma'e Rama kalaban partolongan Errohna Jehovah se settong.**

**Efesus 4:30 Jugan ja' masossa Errohna Jehovah, sabab Erroh Jehovah paneka ampon daddi eccabba sampeyan se noduwagi ja' sampeyan kaagunganna Jehovah; sarengnge pole Erroh Jehovah ganeka daddi tanggungan ja' bakal dhatengnga Are Pambebasan kaangguy sampeyan.**

**1 Tesalonika 4:8 Oreng se nolak pangajaran paneka, banne nolak manossa, tape nolak Jehovah se marengngagi Errohna se socce ka sampeyan.**

**1 Tesalonika 5:19 Ja' lang-ngalange Errohna Jehovah.**

**2 Tesalonika 2:13 Tan-taretan se ekaase'e Pangeran! Kaula sadaja kodu asokkor ka Jehovah polana sampeyan, sabab dhari parmola'an Jehovah mele sampeyan polana epasalamedda. Ganeka kalakon polana se elampa'agi Errohna Jehovah ka sampeyan, sopaja sampeyan daddiya ommadda Jehovah se socce, jugan polana sampeyan parcaja ka berta se leres dhari Jehovah. (1 Petrus 1:2)**

**Titus 3:5,6 Sengko' ban ba'na epasalamet, banne polana la ajalannagi lalakon se becce', tape polana Salerana dibi' neser ka sengko' ban ba'na. Sengko' ban ba'na epasalamet kalaban parantara'anna Errohna Jehovah, se apareng kalahiran se anyar ban odhi' se anyar kalaban maccowe sengko' ban ba'na. 6 Jehovah apareng Errohna ka sengko' ban ba'na kalaban parantara'anna Isa Almasih Panyalamedda sengko' ban ba'na,**

**Ibrani 2:4 Laen dhari ganeka Jehovah makowat kasakseyanna reng-oreng ganeka kalaban mabadha samacemma kaajiban sarta kadaddiyan-kadaddiyan se lowar biyasa sarta gi-magi reng-papareng dhari Errohna Jehovah menorot kasokanna dibi'.**

**Ibrani 10:15 Parkara gapaneka Errohna Jehovah apareng jugan kasakseyan ka sampeyan sareng kaula sadaja. Dhabuna Erroh ganeka,**

**1 Petrus 1:1/2 Tan-taretan ommat peleyanna Jehovah, se acar-pencar e nagara manca e dhaera Pontus, Galatia, Kapadokiya, Asia ban Bitiniya! Kaula, Petrus, rasulla Isa Almasih, ngarep mogamoga Jehovah marenge berkat sareng sejahtera se sabannya'na ka sampeyan. Sampeyan epele epadaddi ommadda Jehovah menorot rancanana Jehovah Rama. Ban Errohna Jehovah ampon madaddi sampeyan ommat se socce, malolo kaagem ka Jehovah, sopaja sampeyan ta'at ka Isa Almasih sarta epasocce sareng dharana.**

**2 Petrus 1:21 Kalaban lebat Almasih sampeyan parcaja ka Jehovah se maodhi' pole Salerana saamponna seda sarta amolja'agi Salerana. Daddi Jehovah se eparcaja sampeyan, ban se daddi pangarebbanna sampeyan.**

**1 Yahya 4:2 Mon sampeyan terro onenga ganeka asalla dhari Errohna Jehovah ponapa banne, carana sapaneka: Oreng se ngakone ja' Isa Almasih rabu ka dunnya paneka aropa manossa, oreng ganeka gadhuwan Erroh se asalla dhari Jehovah.**

**1 Yahya 5:7,8 Badha sakse katello: 8 Errohna Jehovah, aeng ban dhara -- se tatello' ganeka kasakseyanna padha.**

**Yudas 1:20 Nangeng, sampeyan, tan-taretan, terros pabagus odhi'na sampeyan adhasar parcajana sampeyan ka Isa Almasih. Imanna sampeyan ganeka ce' soccena. Sabatara ganeka, terros adu'a kalaban kobasana Errohna Jehovah,**